

不恤其死亡，貞士知死亡而不畏，其死亡也，乃暴君篡主相滅之先徵也，先死以殉之可矣。勝、廣、玄感、壽輝、山童，皆挾微幸之心以求逞其志，非其能犯難以死爭天下者也；天將亡秦、隋、蒙古而適承其動機也。一劉、翟義不忍國讎，而奮不顧身，以與逆賊爭存亡之命，非天也，其志然也，而義尤烈矣。義知事不成而忘其死，智不逮子房而勇倍之矣。

當莽之篡，天下如狂而奔赴之，孔光、劉歆之徒，援經術以導諛，上天之神，虞舜之聖，周公之忠，且為羣不逞所誣而不能白。義正名其賊，以號召天下於魘魅之中，故南陽諸劉一起，而莽之首早隕於漸臺。然則勝、廣、玄感、山童、壽輝者，天質其死以亡秦、隋，而義也、崇也、快也，自輸其肝腦以拯天之衰而伸莽之誅者也。不走而死，義尤烈哉！

王莽

王莽未滅，而劉歆先殺，歆未死而族先滅，哀哉！劉向之澤不保其子孫，而從學之門人與俱燼也。甄豐也，王舜也，皆推戴莽以分膏潤者也。鬼奪其魄，而豐以亂誅，舜以慘死，於是而知鬼神之道焉。推戴已成而心不自寧，此心之動，鬼神動之也，二氣之良能所見幾而不可掩也，故皆不得其死，而歆之罰為尤酷焉。易曰：「小人而乘君子之器，盜思奪之

矣。」歆小人也，蒙父向之餘烈，自命於儒林，以竊先王之道，君子之器，其可乘乎？貌君子而實依匪類者，罰必重於小人。聖人之學，天子之位，天之所臨，皆不可竊者也。使天下以竊者為君子，而王道斬，聖教夷，「姚樞、許衡之伴免焉，幸而已矣。」

嚴尤之諫伐匈奴，為王莽謀之則得爾，而後世亟稱之為定論，非也。莽之召亂，自伐匈奴始，欺天罔人，而疲敝中國，禍必於此而發。尤不敢言莽不可伐匈奴，而言匈奴不可伐，避莽之忌而諱之，豈果如蠶蠹之幸不至前，無事求諸水艸之藪以撲之哉。

秦之毒天下而亡，阿房也，驪山也，行遊無度而誅殺不懲也，非築城治障斥遠匈奴之害也。漢武之疲敝天下，建章也，柏梁也，禱祠祈僊而馳驅海嶽也，食一馬而興萬里之師也，非婦幕南之王庭以翦艾匈奴之害也。秦得天下於力戰，民未休息，而築成之役暴興，則民怨起。漢承文、景休息之餘，中國無事，而乘之以除外僞之巨猾，故武帝之功，至宣、元而收，垂及哀、平，而單于之臣服不貳。莽之得天下更悖於秦，而亟用其不知兵之赤子，是其為秦之續也，必劇於秦，尤心知之而不敢訟言耳。豈可以為定論而廢漢武之功哉？

兵者，毒天下者也，聖王所不忍用也。自非鱗介爪牙與我殊類，而干我藩垣，絕我人極，不容已於用也，則天下可以無兵。故莽之聚兵轉饜以困匈奴，為久遠計者，未嘗非策。